

15. Nou dat ek wedergebore en 'n kind van God is (Johannes 3:17) het ek geestelike voedsel nodig om te lewe en te groei.
Watter geestelike voedselsoorte het ek nodig?

DIE WOORD VAN GOD. (Mattheus 4:4)

a) **Lees daagliks jou Bybel**

Dit is die eerste geestelike voedsel soort. Begin om die evangelie van Johannes stelselmatig, een hoofstuk per dag, deur te lees. Elkeen van hierdie Bybelstudies bevat sowel vrae oor die boek van Johannes, as oor ander boeke. Dra die betrokke teksvers elke dag in jou sak en leer dit van buite. Daar is nog vier ander maniere om geestelik te groei.

b) **Bid elke dag**

Praat openhartig met God.

c) **Woon waar moontlik alle kerkdienste en verrigtinge by**

'n Kerk waar die Bybel as grondslag dien en waar Jesus Christus vereer word.

d) **Wees gehoorsaam aan God**

As jy nie weet of 'n sekere handeling reg of verkeerd is nie, vra jouself die volgende af: "Wat sou Jesus gedoen het?"

e) **Getuig**

Vertel aan iemand anders wat die Here vir jou gedoen het.

Nou verstaan jy beter "wat met my gebeur het". En tog is dit maar net die begin van jou nuwe lewe saam met Christus.

Kyk, Ek staan by die deur en Ek klop. As iemand My stem hoor en die deur oopmaak, sal Ek ingaan na hom toe en saam met hom maaltyd hou en hy met My.

Openbaring 3:20



WAT HET MET MY GEBEUR?

Teks vir memorisering: Openbaring 3:20

Soek die antwoorde op die volgende vrae in jou Bybel of Nuwe Testament. As daar Johannes 1:12 staan, word die Evangelie volgens Johannes, Hoofstuk 1, vers 12 bedoel (die register voor in jou Bybel of Nuwe Testament sal die bladsye aangee). Lees die antwoorde in die Bybel, en skryf dit dan in jou eie woorde neer. Die teks uit die Ou Testament word in die studie volledig aangehaal, vir ingeval jy net 'n Nuwe Testament besit.

1. Toe ek Christus se persoonlike uitnodiging aangeneem het,
het ek 'n **KIND** van God geword. (Johannes 1:12)
2. Die komste van Christus in die lewe of hart van die individu is 'n persoonlike saak tussen Christus en die een wat Hom ontvang, en word deur Christus in Openbaring 3:20 beskrywe.
 - a) Wie klop aan die deur? (Openbaring 1:1) **JESUS**
 - b) Wie mag Sy stem en klop beantwoord? **EK OF ENIGE-IEMAND**
 - c) Wat wil Hy hê moet ek doen? **VIR HOM OOPMAAK**
 - d) Wat sal Hy doen as ek die deur oopmaak?
HY SAL INKOM

- e) Hoe kan ek die deur oopmaak? (Openbaring 3:19)
DEUR MY TE BEKEER. 180° OMDRAAI – MY RUG DRAAI OP MY OU LEWE EN MY TE KEER NA GOD TOE
- f) Het jy die deur oopgemaak?
JA (AS DIE PERSOON ONSEKER ANTWOORD, DOEN RAAMWERK WEER)
- g) Waar is Jesus op hierdie oomblik?
IN MY LEWE OF HART (ROM 8:16)
3. Die rede waarom Christus gekom het om te soek en te red is omdat ons **VERLORE** was. (Lukas 19:10)
4. Wat was die oorsaak van ons verlore toestand volgens Romeine 3:23? **ALMAL HET GESONDIG (PS 51:7)**
5. Wat is, volgens die Bybel, die loon van sonde? (Romeine 6:23)
DIE DOOD
6. Wie het alreeds geboet vir my sondes? In Jesaja 53:6 staan: "Ons almal het gedwaal soos skape, ons het elkeen sy eie pad geloop; maar die Here het die ongeregtigheid van ons almal op Hom laat neerkom." (Lees ook Romeine 5:8-9)
JESUS CHRISTUS
7. Wat het God gedoen toe ek my sondes bely het?
(1 Johannes 1:9) Moenie 1 Johannes (een van Johannes se brieue), naby die einde van die Nuwe Testament, verwarr met die Evangelie volgens Johannes nie.
(MIGA 7:19, PS 103:12) HY HET MY VERGEWE. HY HET DIT IN DIE SEE GEWERP OM NOOT WEER DAARAAN TE DINK NIE.
8. Wat moet ek doen omtrent die sondes wat ek alreeds bely het en waarvoor ek opreg jammer is? In Jesaja 55:7 staan: "Laat die goddelose sy **weg verlaat** en die kwaadroener sy gedagtes en laat hy hom tot die Heer bekeer, dan sal Hy hom barmhartig wees; en tot onse God, want Hy vergeef menigvuldiglik." (Onderstreep die gedeeltes wat sê wat jy met jou sondes moet doen.)
9. Volgens Efesiërs 2:8-9 is die enigste manier om gered te word deur: (merk die regte antwoord)
- Goeie werke te doen
 - Self te probeer doen wat reg is
 - God se vergifnis deur die geloof aan te neem**
10. Maar nadat ons gered en nuwe mense in Christus is, is God se doel met ons dat **ONS GOEIE WERKE SAL DOEN**. (Efesiërs 2:10)
11. Wie leer ons deur Jesus Christus ken? (Johannes 14:6-9)
GOD DIE VADER
12. In 1 Johannes 5:13 staan: "sodat julle kan **weet** / dink / hoop dat julle die ewige lewe het." (Onderstreep die regte woord)
13. Waarheen gaan ek as ek vandag sou sterwe?
HEMEL TOE. (Johannes 6:45-47)
14. Vertel kortlik hoe jy weet dat jy 'n kind van God is. **SONDE BESEF, SONDES BELY, CHRISTUS AS HERE AANGENEEM, EWIGE LEWE ONTVANG EN SEKERHEID DAARVAN.**

14. Lees Johannes 10:27-29 en beantwoord die volgende vrae:

a) Wie het die Ewige Lewe en word deur God se krag gehou?

SY SKAPE

b) Om Sy skaap te wees (vers 27) moet ek Christus se stem

hoor, deur Hom geken wees, en **HOM VOLG**.

Hierin is wyse en noodaaklike raad opgesluit: "Wandel met God!" Dit beteken om versoeking te weerstaan, God te gehoorsaam en Jesus te volg. Verdere riglyne vir 'n suksesvolle lewe en groei word in die volgende studie gevind.

Geen versoeking het julle aangegrep behalwe 'n menslike nie; maar God is getrou, wat nie sal toelaat dat julle bo julle kragte versoek word nie; maar hy sal saam met die versoeking ook die uitkoms gee, sodat julle dit sal kan verdra.

1 Korinthiërs 10:13

'N WANDELING MET GOD

Teks vir memorisering: 1 Korinthiërs 10:13

Nadat 'n kind gebore is, moet hy begin groei. 'n Belangrike stap in hierdie proses is dat hy moet leer loop. Dit is ook geestelik die geval. Die kind van God (gebore uit God) leer om met God te wandel. 'n Beskrywing van die Christen se lewe as 'n "wandeling met God", wys dat die Christelike lewe 'n verhouding ("met God") is, wat beweeg en nie stilstaan nie ("wandel"). Miga, die profeet, het die behoefté om "ootmoedig te wandel met jou God (6:8) as een van die mens se mees basiese behoeftes bestempel.

1. Noudat jy begin het om die Evangelie van Johannes deur te lees, het jy waarskynlik 'n hele paar uitdrukings teëgekom wat dieselfde beteken as "'n wandeling met God". Noem 'n paar.
 - a. Johannes 8:12 **WIE MY VOLG**
 - b. Johannes 1:37 **JESUS GEVOLG**
 - c. Johannes 2:5 **DOEN WAT HY SE**
 - d. Johannes 5:14 **NIE WEER MOEDSWILLIG SONDIG NIE**
2. Wie staan ons wandeling met God teen? (1 Petrus 5:8)

DIE DUIWEL (PERSOON / INSTRUMENT VAN DIE DUIWEL)



3. Wat het die duiwel in Mattheus 4:1 gedoen?

DIE DUIWEL HET JESUS VERSOEK

4. Het Jesus toegegee aan die versoeking? (Hebreërs 4:15)

NEE

Is versoeking en sonde dieselfde ding? **NEE**
(Versoeking sê "Wil jy?" Sonde sê "Ek wil")

5. Wat behoort ons te doen wanneer die duiwel ons aanval?

Jakobus 4:7 a. **MYSELF AAN GOD ONDERWERP**
 b. **WEERSTAAN DIE DUIWEL**

6. In jou eie woorde: Wat is sonde? (Lees 1 Johannes 3:4 en

Jakobus 4:17) **ROOK, VLOEK, STEEL, WETTELOOSHEID,**

VERSUIMING AS EK WEET OM GOED TE DOEN EN EK

DOEN DIT NIE. DAAR IS DAAD SONDE EN VERSUIM SONDE

7. In Jesaja 59:2 staan daar: "Maar julle ongeregtighede het 'n skeidsmuur geword tussen julle en julle God en julle sondes het Sy aangesig vir julle verberg, sodat Hy nie hoor nie."

Die enigste ding wat my van God kan skei is:

ONGEREQTIGHEID OF SONDE

8. Kan 'n Christen, deur die krag van God, homself daarvan weerhou om opsetlik te sondig? (1 Johannes 3:9)

JA

9. Wat is God se belofte aan ons wanneer ons versoek of beproef word? (1 Korinthiërs 10:13)

Hy sal / sal nie dit vir ons moontlik maak om die versoeking te weerstaan of verdra. (Trek 'n kring om die regte woorde)

10. Wat is die doel van Johannes se skrywe, soos in

1 Johannes 2:1 aangegee? **DAT ONS NIE MOET SONDIG NIE**
(AS ONS WEL SONDIG, HET ONS VOORSPRAAK)

11. As 'n Christen egter wel sondig, behoort hy volgens 1 Johannes 2:1 (merk die korrekte antwoord)

- a. Te sê hy kon nie anders as om te sondig nie.
b. Sy sonde te bedek en voor te gee dit het nie gebeur nie.
c. **Dadelik na Jesus te gaan, sy sonde te bely, en aan te gaan om vir God te lewe.**
d. Tou op te gooi en te sê dit help nie om God te probeer dien nie.

12. As 'n Christen gesondig en sy sonde bely het, wat sal God doen? (1 Johannes 1:9) **HOM VERGEWE. (WANNEER VERGEWE GOD? "DADELIK". HOE VERGEWE GOD? "ONVOORWAARDELIK". HOE MOET ONS VERGEWE? "NET SOOS GOD" EFS 4:32)**

13. Om God se woord te ken en te bewaar, bewys volgens Johannes 14:21 dat **ONS HOM LIEFHET**

Behalwe dat jy van God kan leer, het jy boonop nog 'n ander voorreg as kind van God. Dit word in die volgende studie bespreek.

3

Ek het U woord in my hart gebêre, dat ek teen U nie sal sondig nie.

Psalm 119:11

OM VAN GOD TE LEER

Teks vir memorisering: Psalm 119:11

As 'n mens uitvind dat God se planne vir die wêrelد, en vir jou persoonlik, in 'n boek neergeskryf is, wat sou daardie boek vir jou werd wees? As God se belofte aan jou, en Sy verwagtinge van jou, in 'n boek neergeskryf was en jy het daardie boek besit, sou jy baie tyd bestee het om dit te lees? Gedurende die volgende paar minute gaan jy waarskynlik 'n verbasende ontdekking maak.

1. Wat sê Johannes 17:17 omtrent die Woord van God?

DIE WOORD IS DIE WAARHEID

2. Deur wie is die Skrif vir ons gegee sodat ons verseker kan wees dat dit die waarheid is? (2 Timotheus 3:16)

DEUR GOD

3. Wat sal God se Woord (boodskap of gebooie) vir ons doen volgens:
 - a) 2 Timotheus 3:15? **SALIGHEID DEUR DIE GELOOF**
 - b) Johannes 15:3? **GEREINIG DEUR DIE WOORD**
 - c) Handelinge 20:32? **OP TE BOU, ERFDEEL ONDER HEILIGES**



4. Het jy die leringe aangaande die Woord opgemerk terwyl jy die Evangelie van Johannes gelees het?
- Wat het Christus met die Woord (gebod) van sy Vader gedoen? (Johannes 8:55)

HY BEWAAR SY WOORD

- Watter plek het die Woord van God in die lewens van sommige mense? (Johannes 8:37)

VIND GEEN INGANG IN MENSE SE LEWE

- As ons, "uit God" is of aan God behoort, wat sal ons omtrent sy Woord doen? (Johannes 8:47)

NA SY WOORD LUISTER EN GEHOORSAAM WEES DEUR TE DOEN

- Wat sal 'n ware dissipel van Christus met Sy Woord (openbaring of lering) doen? (Johannes 8:31)

IN SY WOORD BLY OF WANDEL

- Wat moet ons met die Woord doen om die geestelike en Ewige Lewe te behou? (Johannes 8:51)

GOD SE WOORD BEWAAR (DOEN)

5. Wat sal ek doen as ek Christus liefhet? (Johannes 14:23)

SY WOORD BEWAAR (DOEN)

6. Na watter Persoon rig die geskrewe Woord my?

JESUS CHRISTUS, sodat ek die EWIGE LEWE

kan ontvang? (Johannes 20:31)

- Die duiwel sal ons probeer verlei, maar God het aan ons 'n wapen gegee waarmee ons die duiwel kan verslaan. Dit is die "swaard van die Gees", wat die WOORD VAN GOD is. (Efesiërs 6:17)

- Hoe het Jesus die duiwel in Mattheus 4:4,7 en 10 weerstaan?

DAAR STAAN GESKRYWE / GOD SE WOORD

- Wat kan ek met God se Woord doen om te verhoed dat ek teen Hom sondig, volgens Psalm 119:11? "Ek het U woord in my hart gebêre, dat ek teen U nie sal sondig nie"

IN MY HART GEBERE

- Watter waarheid uit die Woord het onlangs spesiale betekenis vir jou gehad? _____

- Waarom behoort 'n Christen elke dag die Bybel te bestudeer?

a. ONS KORT GEESTELIKE VOEDSEL

b. OM GOD SE WIL TE KEN

c. GEMEENSKAP TE HE MET GOD

OM VAN GOD TE LEER / OM HOM BETER TE LEERKEN / OM GEESTELIK TE KAN GROEI...

Tot nou toe het julle niks in my naam gevra nie. Bid en julle sal ontvang, sodat julle blydskap volkome kan wees.
Johannes 16:24

Memo

4

IN GESPREK MET GOD

Teks vir memorisering: Johannes 16:24

Aangesien ons besig is met die Almagtige God, is dit nie te veel van ons verwag dat ons die beste oomblikke van elke dag aan Hom afstaan nie. (Vir meeste van ons sal dit vroeg in die oggend wees) Watter tyd ook al, in 'n afgesonderde plek praat ek met Hom en Hy met my. Die Psalm skrywer het dit op die volgende manier gestel: "In die môre Here sal U my stem Hoor: in die môre sal ek dit aan U voorlê en afwag" (Psalm 5:4). Kom ons kyk watter verdere raad die Bybel aan ons gee oor die avontuur van gebed.

1. Het Jesus daarin geglo om persoonlik en privaat tot Sy Vader te bid? (Markus 1:35) **JA VERSEKER, HY HET DIT BAIE GEDOEN**
2. Hoe moet ek bid? (Lukas 18:1)
GEDURIG, NIE MOEDELOOS WORD NIE
3. Met watter gesindheid moet elke keer gebid word?
(1 Thessalië 5:17-18) **SONDER OPHOU, WEES IN ALLES DANKBAAR**
4. Wat is een van die vernaamste oorsake van onbeantwoorde gebed? (Psalm 66:18) "As ek ongeregtigheid bedoel het in my hart, sou die Here nie gehoor het nie."
ONGEREQTIGHEID OF SONDE IN MY HART



www.jam.org.za

5. Wat moet bepaal waarvoor ons bid? (1 Johannes 5:14)

ONS MOET VOLGENS GOD SE WIL BID

6. Watter lesse omtrent gebed het jy uit die Evangelie van Johannes geleer?

- a) Watter voorreg het elke Christen? (Johannes 16:24)

DAT ONS KAN BID EN ONTVANG, SODAT ONS BLYDSKAP VOLKOME SAL WEES

- b) God se doel met die beantwoording van gebede is dat

SODAT DIE VADER IN DIE SEUN VERHEERLIK SAL

WORD / DIS TOT VERHEERLIKING VAN GOD (Johannes 14:13)

- c) Wat vereis God van ons voordat Hy aan ons versoek kan voldoen? (Johannes 15:7) **DAT ONS IN HOM SAL BLY EN,**

SY WORD IN ONS

7. Wat moet ek doen as ek bid, sodat ek 'n antwoord kan kry?

EK MOET GLO (Mattheus 21:22)

8. 'n Paar spesifieke dinge waarvoor ek kan bid is:

- a. Mattheus 6:11 **ONS DAAGLIKSE VOEDSEL**

- b. Mattheus 9:38 **ARBEIDERS (WERKERS VIR GOD SE KONINKRYK)**

- c. Filippense 1:9 **VIR LIEFDE EN KENNIS**

- d. 1 Timotheus 2:1-2 **ALLE MENSE, HOOGGEPLAASTES, KONINGS**

- e. Jakobus 1:5 **WYSHEID**

9. Wat kan my daarvan weerhou om in versoeking te kom?

EK MOET WAAK EN BID (Mattheus 26:41)

10. Die beste gebede is die wat: (merk die korrekte antwoord)

- a. Die regte godsdienstige woorde bevat.

- b. "klink soos gebede"

- c. **Regstreeks uit die hart kom.**

11. Wat beplan jy vir jou eie private tyd van gebed? (Noem so drie gedagtes) _____

Jy het waarskynlik nooit besef hoe 'n groot voorreg jy het om met die Lewende God te kan praat nie. Al die liefde en seëninge wat Hy teenoor jou betoon het veroorsaak dat jy op jou beurt iets vir Hom wil doen, nie waar nie? Bestudeer dan die volgende les.

Hierdie waarhede sal vir ons dien as wegwyser na die blye lewe van alles met God deel. Daar is 'n spesiale manier waarop ons God ook met ander kan deel. Ons doen dit deur van God te getuig, en die volgende studie handel daaroor.

Of julle dan eet of drink of enigiets doen, doen alles tot verheerliking van God.
1 Korinthiërs 10:31

OM MET GOD TE DEEL

Teks vir memorisering: 1 Korinthiërs 10:31

As ek werklik in iets glo, ondersteun ek dit heelhartig. En, Here, ek glo nou werklik in U, soos nog nooit tevore nie! Daarom wil ek U dien en eer, en alles wat ek is en besit met U deel. Die Apostel Paulus druk dit so uit: "Of julle dan eet of drink of enigiets doen, doen alles tot verheerliking van God." (1 Korinthiërs 10:31) In alles wat ek doen, groot of klein, wil ek vra, "Verheerlik dit God?"

1. Volgens Mattheus 22:36-40,
 - a) Hoe moet ek God liefhê? **MET MY HART, SIEL EN VERSTAND**
 - b) Hoe moet ek my naaste liefhê? **SOOS MYSELF**
2. Hoe kan ek uitdrukking gee aan my liefde vir God en andere?
WANNEER ONS GOD SE WORD BEWAAR (1 Johannes 5:2-3)
3. Wat het Johannes te sê gehad oor hierdie algehele oorgawe aan God en Sy saak?
 - a) Wat moet met 'n koringkorrel gebeur sodat dit vrug kan dra? (Johannes 12:24-25)
DIT MOET IN DIE GROND VAL EN STERF



- b) Wat sal ons Vader doen as ek Jesus dien en Hom volg pleks van my 'eie ek'? (Johannes 12:26)

DIE VADER SAL MY EER

4. Nou dat ek 'n Christen is, het ek 'n nuwe gesindhed in al my verhoudinge, vanweë my nuwe verhouding tot God. As ek "in Christus is" het die ou dinge verbygegaan, en dit het

alles **NUUT GEWORD**. (2 Korinthiërs 5:17)

a) My nuwe houding teenoor dinge:

- i. Nou wil ek **gee** / hou (onderstreep die korrekte woord) (Lukas 6:38)
- ii. Merk die 3 nuwe gesindhede teenoor sake genoem in Efesiërs 4:28:

- Steel nie meer nie ■ Is 'n ywerige werker
- Alles vir myself hou ■ Is lui
- Deel met die behoeftiges
- Steel wanneer die geleentheid homself voorndoен

b) My nuwe verhouding met ander:

- i. Ek moet **VRIENDELIK**,

ONTFERMEND en VERGEWENSGESIND

wees teenoor ander. (Efesiërs 4:32)

- ii. Ek moet bindende omgang met ongelowiges **vermy** / soek (onderstreep die korrekte woord), sodat ek geregtigheid te volle kan dien. (2 Korinthiërs 6:14)

c) My nuwe verhouding tot myself:

- i. In die versorging, voorkoms, en gebruik van my liggaam moet ek onthou dat dit die tempel van

DIE HEILIGE GEES is. (1 Korinthiërs 6:19)

- ii. Ek behoort die tyd en geleenthede

UIT TE KOOP. (Efesiërs 5:16)

5. Ek behoort my **BROEDER** lief te hê

(1 Johannes 2:10), nogtans moet ek nie **DIE WERELD OF**

DINGE VAN DIE WERELD liefhê nie. (1 Johannes 2:15-16)

6. Waarom verwag God dat ons Hom moet verheerlik?

(1 Korinthiërs 6:20) **WANT ONS IS DUUR GEKOOP DEUR SY BLOED**

7. Wat sal gebeur as God se koninkryk en Sy geregtigheid die eerste plek in my lewe kry? (Mattheus 6:31-33)

GOD SAL ONS ALLES GEE WAT ONS NODIG HET

8. Wie ontvang uiteindelik die meeste as ons, in reaksie op God se liefde aan ons betoon, ons hele lewe met God deel?

EK SELF (Markus 10:28-30)

9. Om waarlik alles met God te deel, sal ek van nou af

GEDURIG BID, MY NAASTE LIEFHE

- d) 1 Johannes 1:9 **SONDE BELY AAN JESUS IN GEBED**
- e) Johannes 1:12 **JESUS AANNEEM AS SALIGMAKER**
12. Wat is ons verantwoordelikheid teenoor 'n persoon nadat hy Christus aangeneem het? (Handelinge 14:21-22)

HULLE VERMAAN OM IN DIE WOORD TE BLY

13. 'n Doeltreffende getuienis sluit die volgende 3 punte in:
 (1) Die toestand waarin ek was voordat ek 'n Christen geword het,
 (2) Hoe ek Christus aangeneem het, (3) Wat Christus nou vir my beteken. Skryf nou 'n kort getuienis neer wat jy vir 'n vriend sou kon vertel.
-
-
-

14. Skryf die name van die mense wat jy ken, wat jy weet Christus nodig het en teenoor wie jy sal getuig as die geleentheid hom voorndoed, neer: _____

Alhoewel jy bewus is van die feit dat jy ander van Christus moet vertel, is jy miskien bang om dit te doen. Waar gaan jy die krag vandaan kry om ten spye van jou vrees te getuig? Die antwoorde word in die volgende studie bespreek.



***Kom agter my aan, en Ek sal julle vissers van mense maak.
Mattheus 4:19***

OM VIR GOD TE GETUIG

Teks vir memorisering: Mattheus 4:19

Veronderstel jy kom 'n ou vriend teë, wie se gesondheid die laaste keer toe jy hom gesien het so sleg was, dat jy nie verwag het om hom ooit weer lewendig te sien nie. Nou is hy blakend gesond. Hy vertel dat hy 'n dokter gevind het wat hom volkome genees het, maar hy wil nie die dokter se naam bekend maak nie. Jy sal sê dis onmoontlik. Daar is egter baie mense wat geestelik volkome genees is en tog weier om aan ander te vertel hoe hulle ook genees kan word. Om te getuig beteken om te vertel wat God vir jou gedoen het.

1. Christus se genesing van die besetene van Gadara is gevolg deur 'n duidelike bevel. Watter ander woord het Jesus daar gebruik vir "getuig"? (Lukas 8:39) **VERTEL OF VERKONDIG**
2. Die Evangelie van Johannes leer ons baie omtrent getuienis lewer.
 - a) Volgens Johannes 3:32 is 'n getuienis 'n vertelling van (merk die regte antwoord)
 - wat jy as die waarheid geleer het
 - wat jy van iemand anders gehoor het
 - **wat jy self gesien en gehoor het**

b) Wat was Andrèas besig om te doen in Johannes 1:40-41?

**HY WAS BESIG OM JESUS TE VOLG – HY HET GEHOOR,
GETUIG EN GEVOLG (1 JOHANNES 1:1-3)**

c) Wat het Jesus gesê was God se belangrikste werk?

(Johannes 6:29) **DAT ONS IN HOM GLO WAT HY GESTUUR HET**

d) Watter werk dra hy aan ons op in Johannes 15:16?

DAT ONS MOET VRUG DRA (DIE WOORD VERKONDIG)

3. Wat is die grootste ding wat al ooit met jou gebeur het?

4. Wat is die grootste daad van welwillendheid wat ek teenoor 'n ander kan bewys? **OM HOM NA JESUS TE LEI**

5. Wat beveel Jesus in Mattheus 28:18-19 ons om te doen.

Noem drie dinge:

i. **MAAK DISSIPELS VAN ALLE NASIES**

ii. **DOOP HULLE**

iii. **LEER HULLE OM ALLES TE ONDERHOU**

6. In watter toestand verkeer hulle wat nie in Christus Jesus glo nie. (Johannes 3:18) **HULLE IS ALREEDS VEROORDEEL**

7. As ek Jesus getrou volg sal Hy my **N VISSER VAN MENSE** maak. (Mattheus 4:19)

8. Volgens 1 Petrus 3:15 moet ek altyd bereid wees om

VERANTWOORDING TE DOEN MET SAGMOEDIGHEID EN VREES

9. Waar het Paulus mense ontmoet om die Woord van God aan hulle te verkondig? (Handelinge 17:17; 20:20)

a. **SINAGOGES**

b. **MARK**

c. **OPENBAAR**

d. **HUISE**

10. Hoekom moet ons getuienis rondom Jesus sentreer? (Johannes 14:6)

a. **JESUS IS DIE WEG**

b. **DIE WAARHEID**

c. **EN DIE LEWE**

11. Wat moet ons boodskap wees, as getuies vir God aan hulle wat God nie ken nie?

a) Romeine 6:23 **LOON VAN DIE SONDE IS DIE DOOD**

b) Romeine 3:23 **ALMAL HET GESONDIG**

c) Jesaja 53:6 **JESUS HET ONS SONDE OP HOM GENEEM**

Die Christelike lewe wat met die Heilige Gees vervul is, is skoongemaak en besit krag. Hierdie lewe borrel oor en vloei uit na ander. Wil jy graag met die Heilige Gees vervul wees? Hier volg vier stappe:

- 1) Erken jou behoefté aan innerlike reiniging.
(Handelinge 15:8-9)
- 2) Gee jou hele lewe aan God oor. (Romeine 13:1-2)
- 3) Vra God om die Heilige Gees in Sy volheid aan jou te gee. (Lukas 11:13)
- 4) Ontvang die Heilige Gees deur geloof. (Handelinge 15:8-9)

1 Thessalonicense 5:23-24

Moenie dronk word van wyn nie, - daarin is losbandigheid; maar word met die Gees vervul.

Efesiërs 5:18

GEVUL MET GOD SE GEES

Teks vir memorisering: Efesiërs 5:18

Hoeveel keer het Christene al gesê: "Ek wil meer vir God doen, maar ek het nie die krag daartoe nie"? Daar is slegs een antwoord op hierdie probleem – die Christen moet meer van God se krag deur Sy inwonende Gees hê. Dis hoekom Paulus aan die Christene in sy tyd gesê het "Word met die Gees vervul". (Efesiërs 5:18)

1. Jesus het baie van sy tyd daaraan bestee om Sy dissipels aangaande die Heilige Gees te onderrig, en Johannes het heelwat van Sy lering aangegeteken.

- a) Wie, het Jesus gesê, sal aan ons 'n oorvloedige ondervinding met God gee (soos "strome van lewende water")? (Johannes 7:38-39)

"VAN DIE GEES" HEILIGE GEES

- b) Wie sal ons onderrig? (Johannes 14:26)

DIE HEILIGE GEES

- c) Van wie getuig die Heilige Gees? (Johannes 15:26)

VAN JESUS



- d) Op watter oomblik in die Christen se lewe werk die Heilige Gees die eerste keer? Markus 16:16, Handelinge 2:38, Titus 3:5 (Johannes 3:5)

BY WEDERGEBOORTE

2. Wanneer het die dissipels van Christus die nodige krag om te kan getuig ontvang? (Handelinge 1:8)

WANNEER DIE HEILIGE GEES OOR HULLE KOM

3. Buitens Paulus se bevel in Efesiërs 5:18 hoe weet ons nog dat Christene met die Heilige Gees vervul moet word? (Handelinge 9:17)

PAULUS WAS SELF MET DIE GEES VERVUL

4. Die dinge wat ons verhinder om 'n Geesvervulde lewe te lei, het in die kerk in Korinthe kop uitgesteek. Hulle het verkeerde gesindhede soos jaloesie en afguns geopenbaar, wat bewys het dat hulle nog: (1 Korinthiërs 3:1-3)

- VLEESLIK IS (1 KOR 3:1)
- KLEIN KINDERTJIES (EFS 4:14, HEB 5:13)
- MET MELK GEVOED (HEB 5:12)

5. Wat is die werk, wat die Heilige Gees doen, wanneer Hy al die hindernisse uit die weg ruim en ons rein en heilig en toegewyd aan God maak? (1 Petrus 1:2)

MAAK ONS GEHOORSAAM

6. Wat het God met die onreinheid in die harte van die vroeë Christene gemaak toe Hy hulle met die Heilige Gees vervul het? (Handelinge 15:8-9)

HARTE GEREINIG DEUR GELOOF

7. Wat moet ons met sondige of onreine gesindhede doen? (2 Korinthiërs 7:1)

ONS MOET GEREINIG EN VERLOS WORD

8. Hoe volledig wil God hê moet ons heiligmaking wees? (1 Thessalonicense 5:23)

- VOLKOME
- GEES, SIEL EN LIGGAAM. ONBERISPELIK

9. Want die wet VAN DIE GEES VAN DIE LEWE IN CHRISTUS JESUS het my vrygemaak van die wet van die sonde en die dood. (Romeine 8:2)

10. Die verkeerde gesindhed van die Korinthiërs (1 Korinthiërs 3:1-3) het bewys dat hulle die vernaamste Christelike karaktertrek naamlik GELOOF, HOOP EN LIEFDE, MAAR DIE GROOTSTE LIEFDE nie het nie. (1 Korinthiërs 13:13)

11. Ek kan die liefde van God ontvang deur: (Romeine 5:5)

DIE HEILIGE GEES WAT AAN ONS GEGEE IS

12. Hoe moet my verhouding met God wees nadat ek met die Heilige Gees vervul is (Romeine 8:4)

EK MOET NIE MET DIE VLEES WANDEL NIE MAAR MET DIE GEES. (ONDER DIE BEHEER VAN DIE HEILIGE GEES)

...en laat ons ons onderlinge byeenkoms nie versuim soos sommige die gewoonte het nie, maar laat ons mekaar vermaan, en dit des te meer namate julle die dag sien naderkom.

Hebreërs 10:25

8

OM EEN TE WEES IN CHRISTUS

Teks vir memorisering: Hebreërs 10:25

Het jy al agtergekom dat jy nie net die Hemelse Vader gevind het toe jy Jesus Christus aangeneem het nie, maar ook 'n hele nuwe familie? Elke ander ware Christen het jou broer of suster geword. Hierdie familiebetrekking word die "kerk" genoem. Maak seker dat jy baie liefde aan jou geestelike familie betoon.

1. Die Bybel verwys op verskillende maniere na die volgelinge van Christus. Noem drie van die terme, soos in Handelinge 11:26 aangegeteken.
 - a. ONDERWYSERS (GEMEENTE)
 - b. DISSIPELS
 - c. CHRISTENE
2. Aangesien ons as Christene moet saamwerk, word die kerk soms wat genoem? (1 Korinthis 12:27)
 - a. DIE LIGGAAM VAN CHRISTUS
 - b. LEDE
3. Wie is die hoof van die kerk? (Efesiërs 5:23) CHRISTUS



4. Hoe belangrik is die kerk vir Jesus Christus? (Efesiërs 5:25)

CHRISTUS HET HOMSELF DAARVOOR OORGESEE

5. In watter verhouding moet ek tot God staan om deel van die gemeente te wees? (Efesiërs 5:24)

ONDERDANIG WEES EN GEHOORSAAM. WEDERGEBORE

6. Waar het Paulus die Evangelie verkondig? (1 Korinthiërs 4:17)

IN DIE GEMEENTES (KERK)

7. Watter lesse in verband met die kerk leer die Evangelie van Johannes ons?

- a) Hoe sal die wêreld weet dat ek 'n deel van Sy kerk is?

(Johannes 13:35) **AS ONS LIEFDE ONDER MEKAAR HET**

- b) Wat is die leraar se verantwoordelikheid teenoor die kerk?
(Efesiërs 4:11-12, Johannes 21:16)

HY MOET AGTER DIE GEMEENTE KYK

8. Hoe behoort ek 'n mede-Christen te behandel? (Galasiërs 6:2)

MEKAAR SE LASTE DRA

9. Met watter doel gee die Heilige Gees spesiale genadegawes aan sommige persone? (1 Korinthiërs 12:4-7)

MET DIE OOG OP WAT NUTTIG IS

10. Party kerke is kragtig en liefdevol, en ander nie. Aan watter een van die volgende twee kerke sou jy graag wou behoort?

- a. **Die kerk in Jerusalem (Handelinge 4:32-33)**

- b. Die kerk in Laodicense (Openbaring 3:14-17)

11. Wat leer die vroeë Christene ons met betrekking tot die leer van die apostels, die breking van brood, gemeenskap en gebed? (Handelinge 2:42)

OM TE VOLHARD IN DIE LEER

12. Wat moet ek doen om die Here te behaag? (Hebreërs 10:25)

BYMEKAAR TE KOM, MEKAAR TE VERMAAN,

ONDERLINGE BYEENKOMS NIE TE VERSUIM NIE

13. 'n Paar redes waarom ek by 'n kerk moet aansluit is:

- a. **SAMEKOMS SAAM MET ANDER CHRISTENE**

- b. **DIE HERE DIT BEVEEL**

- c. **OM ONS BEDIENNING UIT TE LEEF**

- d. **OM DIE WORD VAN DIE HERE TE ONTVANG**

Deur geloof het jy met Jesus en, in 'n geestelike sin, met alle ander ware Christene een geword. Nou behoort jy by 'n kerk aan te sluit. Hierdie gemeenskap is so belangrik, en die taak so groot, dat Christene op elke moontlike manier behoort te verenig. Jy sal aanhou met groei met behulp van jou kerk en leraar. Veels geluk met die voltooiing van hierdie studies! Daar lê nog wonderlike dae voor in jou nuwe lewe saam met God.